

ILUARSIISSUT

**Ataatsimiititaliap isumaliutissiissutaa 11. november 2018-imik ullulik taarserpaa.
(Ataatsimiititaliap inassuteqaataata ilanngunneqarnera)**

2017-imi ilassutitut aningaasaliissutitut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

Inatsisissatut siunnersuutip aappassaaneerpeqarneranut

ISUMALIUTISSIISSUTAA

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Karl Kristian Kruse, Siumut, siulittaasoq

Inatsisartunut ilaasortaq Aqqaluaq B. Egede, Inuit Ataqatigiit

Inatsisartunut ilaasortaq Niels Thomsen, Demokraatit

Inatsisartunut ilaasortaq Jess Svane, Siumut

Inatsisartunut ilaasortaq, Múte Bourup Egede, Inuit Ataqatigiit

Inatsisartunut ilaasortaq Mala Høy Kúko, Siumut

Inatsisartunut ilaasortaq Jens Napaattooq, Partii Naleraq

Ulloq 15. oktober 2018-imi siullermeerinninnerup kingorna ataatsimiititaliap siunnersuut misissorpaa.

Imarisai

1.	<i>Aallaqqaasiut</i>	3
2.	<i>Ilassutitut aningaasaliissutitut inatsit</i>	4
2.1	Ilassutitut aningaasaliissutitut inatsisissatut siunnersuummik saqqummiussineq	4
2.2	Ilassutitut aningaasaliissutitut inatsisip imarisai	4
2.3	Aningaasaliissutitit allannguissamik qinnuteqaateqarnissamut piumasagaatit	5
2.4	Aningaasaliissutitit iliuutsillu oqaasertaliussatigut aalajangersakkanik tunngavillit	5
2.5	Aningaasartuutitit isertitanillu nakkutilliineq	5
3.	<i>Naalakkersuisut 2017-imi Aningaasaqarnermut Akileraartarnermullu Ataatsimiititaliamut aningaasaliissuteqarnissamik qinnuteqaataat</i>	6
4.	<i>2016-imi aningaasanut inatsit aamma 2016-imi ilassutitut aningaasaliissutitut inatsisissatut siunnersuut – kisitsisit pingaarnerit aningaasaleeriaatsinullu agguataarinerit</i>	7
4.1	Kisitsisit pingaarnerit aningaasanngorlugit	7
4.2	Ilassutitut aningaasaliissutit (inatsisissatut siunnersuummi § 1) – allannguutit oqartussaasunit assigiinngitsunit pingasunit akuersissutigineqartut	8
4.3	Naalakkersuisut oqaasertaliussamut innersuussillutit akuersissutigisaat	8
4.4	Aningaasaqarnermut Akileraartarnermullu Ataatsimiititaliamut akuersissutigineqartut	8
4.5	Inatsisartut Suleriaaseq pillugu Ataatsimiititaliaannit akuersissutigineqartut (suliassaqqarfik 01)	9
5.	<i>Oqaasertaliussamik allannguinerit (inatsisissatut siunnersuummi § 2)</i>	9
6.	<i>Sillimmatitut kontomit 20.11.50-imit atugassiissutiginninnerit</i>	9
7.	<i>Aningaasaqarnermut Akileraartarnermullu Ataatsimiititaliap nalinginnaasumik oqaaseqaatai</i>	10
7.1	Ataatsimut isigalugu	10
7.2	Sulisorisat pillugit paasissutissat	10
7.3	Naalakkersuisut aningaasaliissutitit nuussineranni inatsisitigut tunngavissat	11
8.	<i>Aningaasaqarnermut Akileraartarnermullu Ataatsimiititaliap inatsisissatut siunnersuummut oqaatigiumasai allat</i>	11
8.1	Nalinginnaasumik oqaaseqaatit	11
9.	<i>2017-imi aningaasaliissuteqarnissamik suliassanut oqaaseqaatit</i>	11
9.1	Tunngavik pingaarutilik	11
9.2	Ukioq aningaasanut inatsisip atuuffia	12
9.3	Pingaaruteqartuunissaannik sillimaffigereerneqarsinnaasimannnginnissaannillu inatsimmi piumasagaat	12
9.4	Missingersuutitut sunniuteqannginnissaq aningaasaqarnermillu aqutsineq	13
9.5	Oqaasertaliussat	14
9.6	Pissutsit allat	14
10.	<i>Aningaasaqarnermut Akileraartarnermullu Ataatsimiititaliap kaammattuutai</i>	14
	Kaammattuut nr. 1	14
11.	<i>Aningaasaqarnermut Akileraartarnermullu Ataatsimiititaliap oqaaseqaatai:</i>	15
12.	<i>Aningaasaqarnermut Akileraartarnermullu Ataatsimiititaliap inassuteqaatai</i>	15

1. Aallaqqaasiut

2017-imi ilassutitut aningaasaliissutitut inatsisissatut siunnersuut Aningaasaqarnermut Naalakkersuisumit Inatsisartut 2018-imi ukiakkut ataatsimiinneranni saqqummiunneqarpoq. Inatsisissatut siunnersuut siullermeerneqarami Aningaasaqarnermut Akileraartarnermullu Ataatsimiititaliamit suliarineqartussanngorlugu innersuunneqarpoq. Inatsisissatut siunnersuut Aningaasaqarnermut Akileraartarnermullu Ataatsimiititaliap suliaraa matumuunalu Inatsisartut inatsisissatut siunnersuummik aappassaaneerinninnissaannut isumaliutissiissuteqarluni.

Nunatta karsiata naatsorsuutai, Sanaartugassanut Iluarsagassanullu Aningaasaateqarfik aammalu missingersuutitut ingerlaavartumik malitseqartitsissutit ilassutitut aningaasaliissutitut inatsit peqatigalugu tassaapput pisortat aningaasaqarnermik aqutsineranni naalakkersuinikkut tunngaviit pingaarutillit ilaat.

Pingaartumik aningaasaliissutitut allannguutit Naalakkersuisunit akuerineqartut ilassutitut aningaasaliissutitut inatsisikkut Inatsisartunut ilaasortanit tamanillu aatsaat ataatsimoortumik takuneqarsinnaalersarput. Taamaattumik Naalakkersuisut allanngugaat taakku aningaasaqarnikkut anner-tuumik pingaaruteqarsinnaasut eqqortumik tunngaveqarluni pisimanersut nalilissallugu Aningaasaqarnermut Akileraartarnermullu Ataatsimiititaliaq – naggataatigullu Inatsisartut – suliaasaqarput annikinngitsumik.

Aningaasaliissuteqarnissamik qinnuteqaatit Naalakkersuisunit ukiup siuliani tiguneqartut ilaat isumaliutissiissummi matumani Aningaasaqarnermut Akileraartarnermullu Ataatsimiititaliamit paasissutissiissutigineqarput. Aalajangiinerit tamarmiusut Inatsisartut nittartagaanni <http://inatsisartut.gl-ip> ataani ingerlaqqiffissiami ”Aningaasaqarnermut Ataatsimiititaliap aalajangigai”-ni pissarsiarineqarsinnaapput.

Aalajangiinerit ilaat taakku arlallit aningaasaliissutinik allannguinerit aalajangersimasut kisiisa pin-nagit aammali maleruagassanik atuineq, inatsisinik qanoq paasinninnissaq kiisalu aningaasaqarnikkut naalakkersuinikkullu anguniakkat pillugit tunngaviummik isigineqartariaqartunik pingaarutilinnik aamma imaqarput.

Isumaliutissiissut ima aaqqissugaavoq:

Isumaliutissiissutit matuma immikkoortuani 2-mi missingersuutit pillugit inatsimmi aalajangersakkat aammalu ilassutitut aningaasaliissutitut inatsisissatut siunnersuummik saqqummiussarnermut inatsisitigut tunngaviit ataatsimiititaliamit takussutissiissutigineqarput.

Aningaasanut inatsimmi 2017-imi angusassatut missingersuutigineqartumut sanilliullugu 2017-imi aalajangiinerit aningaasatigut kingunerisaat immikkoortuni 4-imi paasissutissiissutigineqarput.

Oqaasertaliussanut aningaasanullu inatsimmi sillimmatitut kontoni 2017-imi allannguinerit immikkoortoq 5, 6 aamma 7-imi misissorneqarlutillu naliliiffigineqarput.

Inatsisissatut siunnersuummi ajornartorsiutit, kukkunerit amigaatillu immikkoortoq 8-mi nassuiaateqarfigineqarput.

Aningaasaliissuteqarnissamik suliassanut 2017-imi Aningaasaqarnermut Akileraartarnermullu Ataatsimiititaliamit suliarineqartunut nalinginnaasumik oqaaseqaatit immikkoortoq 9-mi eqikkaavigineqarput.

Ataatsimiititaliaq immikkoortoq 10-imi inatsisissatut siunnersuummut arlalinnik kaammattuuteqarpoq.

Immikkoortoq 11-mi ataatsimiititaliaq inatsisissatut siunnersuummut nalinginnaasumik oqaaseqaateqarpoq kiisalu immikkoortoq 12-imi ataatsimiititaliap inatsisissatut siunnersuummut inassuteqaatai nalunaarneqarlutik.

Kiisalu “missingersuusionerermut inatsit” isumaliutissiissummi piffinni arlalinni innersuussutigineqarmat ataatsimiititaliamit eqqumaffigeqquneqassaaq. Allamik allassimasoqartinnagu innersuussutigineqartoq tassaavoq missingersuusionerermut inatsit pisoqaaneq 2017-imi atuuttoq.

Inatsisissatut siunnersuutip aappassaaneernejarnissaanut taama oqaaseqarluni Aningaasaqarnermut Akileraartarnermullu Ataatsimiititaliaq matumuuna isumaliutissiissuteqarpoq.

2. Ilassutitut aningaasaliissutininut inatsit

2.1 Ilassutitut aningaasaliissutininut inatsisissatut siunnersuummik saqqummiussineq

Inatsisartut Naalakkersuisullu pillugit Inatsisartut inatsisaanni § 16, imm. 3-mi aalajangersarneqarpoq Naalakkersuisut ilassutitut aningaasaliissutininut inatsisissatut siunnersuut kingusinnerpaamik ukiup aningaasanut inatsisip atuuffiata kingorna Inatsisartut ileqqusumik ataatsimiinnissaannut siullermut Inatsisartunut saqqummiuttassagaat. Taamaalilluni pineqartoq tassaavoq aningaasaliissutaareersunut inatsit, Suleriaaseq pillugu Ataatsimiititaliap aamma Aningaasaqarnermut Akileraartarnermullu Ataatsimiititaliap siusinnerusukkat aalajangigaannik aalajangersakkatigut tunngavissiisoq.

Aningaasaliissutaareersunut inatsisip pineqarnerata kingunerisaanik 2017-imi aningaasanut inatsit aamma 2017-imi ilassutitut aningaasaliissutininut inatsit katillutik aningaasaliissutit oqaasertaliussallu 2017-imi atuuttut suunerinik takussutissiisussaapput. Taamaalillutik aningaasaliissutit 2017-imi aningaasanut inatsimmi aamma 2017-imi ilassutitut aningaasaliissutininut inatsimmi ilaatinneqartut, taakkunungalu ilanngullugit sanaartugassanut tunngasuni suliassanut aningaasaliissutit, Nunatta Karsiata 2017-imi naatsorsuutaanut aamma 2017-imi Sanaartugassanut Iluarsagassanullu Aningaasaateqarfik pillugu Nassuiaammut tunngaviupput. Nunatta Karsiata naatsorsuutai Sanaartornerlu pillugu Nassuiaat Inatsisartut upernaakkut ataatsimiinneranni nalinginnaasumik saqqummiunneqartarput.

2.2 Ilassutitut aningaasaliissutininut inatsisip imarisai

Ilassutitut aningaasaliissutininut inatsisip imarisarpaa inatsisip ileqqussat naapertorlugit oqaasertaa, ukununga tunngasunik nalinginnaasumik marlunnik paragafeqartartoq:

- *Namminersorlutik Oqartussat 2017-imumut aningaasartuutissat isertitassallu* allannguutaat, (ilanngussaq 1), aamma
- *2017-imumut oqaasertaliussat* allannguutaat, (ilanngussaq 2)

2.3 Aningaasaliissutinik allannguinnissamik qinnuteqaateqarnissamut piumasaqaatit

Missingersuusiornermut inatsimmi § 28, imm. 2-mi aalajangersarneqarpoq nutaanik aningaasaliissuteqartoqarnissaanik aningaasaliissutinilluunniit allanngortitsisoqarnissaanik qinnuteqaatit taamaallaat tassaassasut

- *pingaarutillit*, aamma
- aningaasanut inatsisissap suliarinerani *sillimaffigereerneqarsinnaasimanningsunut* tunngasut.

Ulluinnarni periususartut naapertorlugit Aningaasaqarnermut Naalakkersuisoq Naalakkersuisut sinnerlugit aningaasaliissutit allanngortinneqarnissaannik qinnuteqaammik Aningaasaqarnermut Akileraartarnermullu Ataatsimiititaliamut nassiussisarpoq. Pappialat atortussat nassiunneqartut kontonut pingaarnernut, aningaasaliissutinik allanngortitsiffiginiarlugit qinnuteqaatigineqartunut, missingersuutitut ilanngussanik imaqartussaapput.

Taamaalilluni *allannguutissatut qinnuteqaatigineqartup nassuiarnerata tunngavilersuutitaatalu* suliap nalilersuiffiginissaanut naammattumik sukumiissuseqarnissaat pingaaruteqarpoq. Erseqqisarneqassaaq allannguutip aningaasanut inatsimmi tunngavissaatitaasunut naleqqiullugu qanoq ittuunera pingaarnerpaatinneqassamat.

2.4 Aningaasaliissutit iliuutsillu oqaasertaliussatigut aalajangersakkanik tunngavillit

Missingersuusiornermut inatsimmi § 25 - § 29-mi aningaasaliissutit nutaat allanngortitaluunniit pillugit aalajangersakkat malittarisassiuunneqarput, taamaalillutillu ilassutitut aningaasaliissutitut inatsimmi aalajangersakkat tunngaviusut taakkunanani malittarisassiuunneqarput. § 25, imm. 1-imi aalajangersarneqarpoq:

„ukiup aningaasanut inatsisip atuuffiata ingerlanerani nutaanik aningaasaliissuteqarnissamut oqaasertaliussaqaarnissamullu imaluunniit aningaasaliissutinik oqaasertaliussanilluunniit allanngortitsinissamut piumasaqaataasoq Inatsisartut Aningaasaqarnermut Akileraartarnermullu Ataatsimiititaliaat Inatsisartut sinnerlugit akuersissuteqaqqaarsimassasoq.“

Aalajangersakkakut tassuuna ilaatigut erseqqissarneqarpoq aningaasartuutit aningaasanut inatsimmi tunngavissaatitaasunit allaasut Aningaasaqarnermut Akileraartarnermullu Ataatsimiititaliaq sioqqut-sisumik akuersissuteqareersimatinnagu aningaasartuutigeqqusaanngitsut.

Inatsisartut Naalakkersuisullu pillugit Inatsisartut inatsisaanni § 16-mi aalajangersarneqarpoq:

“...ukiup aningaasanut inatsisip atuuffiata ingerlanerani nutaamik aningaasaliissutigineqartut oqaasertaliunneqartullu imaluunniit aningaasaliissutit oqaasertaliussallu allanngortinneqartut aningaasaliissutigineqarnermik kingorna ilassutitut aningaasaliissutitut inatsimmut ilanngunneqartassasut.”

2.5 Aningaasartuutinik isertitanillu nakkutillineq

Missingersuutit pillugit inatsit naapertorlugu missingersuutit pillugit ilisimatitsissummik ataatsimik ukiumoortumik Inatsisartunut saqqummiussinissaq Naalakkersuisut taamaallaat pisussaaffigaat. Tassani augustip naanerani missingersuutitut kisitsisit tunngaviugajuttarsimapput.

Inatsisartut, tassungalu ilanngullugu Aningaasaqarnermut Ataatsimiititaliaq missingersuutit pillugit ilisimatitsissutinik 2017-imi Naalakkersuisunit tigusaqanngillat, aatsaalli 2018-ip aallartinnerani tigusaqarlutik, tamanna ataatsimiititaliap isumaa malillugu akuersarneqarsinnaanngilluinnarpoq. Naalakkersuinikkut killiliussat (Inatsisartunit akuerineqartut) aningaasanut inatsimmi ersersineqartut eqquutsinneqarnissaat missingersuutit pillugit ilisimatitsissuteqartarnermi siunertaavoq. Tamatuma saniatigut suliassa qarfinni aningaasaliissutit atorineqarnissaat ilimagineqartinnagu imaluunniit suliassa qarfinni aningaasaliissutit naammangitsillugit missingersuutitut malitseqartitsineq iluarsinissamut periarfissiisarpoq. Taamaattumillu missingersuutitut malitseqartitsineq ilassutitut aningaasaliissuteqarnissamik qinnuteqaatit ingerlaavartut Aningaasaqarnermut Akileraartarnermullu Ataatsimiititaliamit suliarineqarnerinut atatillugu sakkussaavoq pingaaruteqartoq.

Isertitat aningaasartuutillu aningaasanut inatsimmi tunngavissaatit malillugit ineriartorfiunerannik qulakkeerininnissaq missingersuutitut malitseqartitsisarnerup ilaatigut siunertaraa. Missingersuutitut malitseqartitsisarnerup aamma siunertaraa paasissutissamik pissarsinissaq, taamaaliornikkut Naalakkersuisut, Inatsisartut inuiaqatigiillu Namminersorlutik Oqartussat aningaasaqarnerannik paasisaqartinneqaqqullugit, taamaalillunilu aamma aningaasartuutitut tulleriarnermi tunngavissaqaqqullugu.

3. Naalakkersuisut 2017-imi Aningaasaqarnermut Akileraartarnermullu Ataatsimiititaliamut aningaasaliissuteqarnissamik qinnuteqaataat

Aningaasaqarnermut Akileraartarnermullu Ataatsimiititaliap aningaasaleeriaatsit uku allanngortinneqarnissaat nalinginnaasumik suliarisarpaa:

- *Ingerlatsinermut aningaasaliissutit*
- *tapiissutitut aningaasaliissutit, aamma*
- *sanaartornermut aningaasaliissutit.*

Taakku avataatigut soorunami ilaapput oqaasertaliussat suliassallu allat, pissutsit immikkut ittut pissutigalugit Naalakkersuisut atugassiinissaminni ataatsimiititaliamut akueritittariaqarsimasaat.

Aningaasanut inatsisip ukiuani 2017-imi aningaasaliissutinut sunniuteqartumik suliassat 52-iusimapput. Suliassat marluk Inatsisartut Suleriaaseq pillugu Ataatsimiititaliaannit akuerineqarput suliassallu sisamat Naalakkersuisunit akuerineqarlutik.

Nutaatut aningaasaliissuteqarnissamik aningaasaliissutinilluunniit allanngortitsinissamik, oqaasertaliussassatut siunnersuutitut kiisalu immikkut ittumik atugassiissuteqarnissamik Naalakkersuisut qinnuteqaatitut saqqummiussa 46-t Aningaasaqarnermut Akileraartarnermullu Ataatsimiititaliamit 2017-imi suliarineqarput. 2017-imi ukiunilu siuliini suliat amerlassusiat takussutissiami ataaniittumi takuneqarsinnaavoq.

Ukioq	Suliat amerlassusiat
2014	31
2015	22
2016	39
2017	46

Takussutissiami takuneqarsinnaasutut ukiuni kingullerni pingasuni suliasat ataatsimiititaliamut nassiuuneqartut ataatsimut isigalugu amerliartorsimapput. Tamanna tunngaviusumik isigineqartariaqarpoq, tassami Aningaasanut Akileraartarnermullu Ataatsimiititaliamut aningaasaliinissamik qinnuteqaatit taama amerlatiginerat nunatta karsiata aningaasartuutaanik ataatsimoortumik tullerriiarilluni pingaarnersiunerup aningaasanut inatsisikkut ersersinneqarnissaanik missingersuutitut inatsimmi tunngavimmuut naapertuuttutut isigineqarsinnaanngimmat.

Suliasat aalajangiiffigisassat 46-t pineqartut Aningaasaqarnermut Naalakkersuisumit tiguneqarnermik kingorna ataatsimiinnermi tullermi Aningaasaqarnermut Akileraartarnermullu Ataatsimiititaliamit nalinginnaasumik suliarineqartarsimapput.

4. 2016-imi aningaasanut inatsit aamma 2016-imi ilassutitut aningaasaliissutitut inatsisissatut siunnersuut – kisitsisit pingaarnert aningaasaleeriaatsinullu agguataarinerit

4.1 Kisitsisit pingaarnert aningaasanngorlugit

2016-imi aningaasanut inatsimmi aamma 2016-imi ilassutitut aningaasaliissutitut inatsisissatut siunnersuummi kisitsisit pingaarnert aningaasanngorlugit takussutissiarineqarnerat 2016-imi ilassutitut aningaasaliissutitut inatsisissatut Naalakkersuisut siunnersuutaata danskisuuani qupperneq 27-imi kalaallisuuani qupperneq 29-mi takuneqarsinnaapput, taakkulu innersuussutigineqarput.

2017-mut Aningaasanut inatsit IS-mi 21,7 mio. kr.-nik sinneqartooruteqarfissatut missingersuutaavoq. IS-imut missingersuutigineqartut inerneritut tunngatillugu taamaalillutillu aningaasaliissutit taarsigassarsiaritinneqartortaannik (T) ilaqartinnagit, taamaallaat ingerlatsinermut sanaartornermullu tunngasuullutik, taava ilassutitut aningaasaliissutit akuersissutigineqartut IS-ip inerneranut missingersuutini 71,0 mio. kr.-nik ajorseriarnerannik kinguneqarput.

Taamaalimmat Ilassutitut aningaasaliissutitut inatsisissatut siunnersuutip kingunerissavaa ukiumut aningaasaliiviusumut 2017-imut 49,3 mio. kr.-nik IS-imi amigartooruqarnissaanik missingersuusiorneq.

Aningaasanut inatsimmi 2017-imoortumi IST-mi amigartoorutissatut 46,4 mio. kr.-t missingiuneqarput. Inatsisartut Aningaasaqarnermut Akileraartarnermullu Ataatsimiititaliaata aamma Inatsisartut Suleriaasiannut Ataatsimiititaliap 2017-ip ingerlanerani ilassutitut aningaasaliissutit katullugit arfinillit akueraat, taamaalilluni IST-mi inernerusussatut missingersuutit 52,1 mio. kr.-nik ajorne-rulersillugit. Ilassutitut aningaasaliissutitut inatsisissatut siunnersuut taamaalilluni ukiumut aningaasaqarfiusumut 2017-mut IST-mi 98,6 mio. kr.-nik amigartooruteqarfiusuvoq.

2017-imi IST-p IS-illu sunniutaannut 18,9 mio. kr.-nik allaanerussuteqarnermut pissutaavoq suliap normua 17-753 Nuussinerit, konto pingaarnernit 89.71.40 Nukissiorfiit, sanaartornermut taarsigassarsiaritit-nit aamma 89.71.41 Nukissiorfiit, sanaartornermut taarsigassarsiaritit, nunagissaaneq-mit sanaartugassanut assigiinngitsunut konto pingaarnernut 84.40.12 Ilinniartitaanernut sanaartukkat ataaniittunut.

Matumani eqqaamasariaqarpoq angusassatut *missingersuutit* inaarutaasumillu *naatsorsuutitigut angusat* assigiinngimmata. 2017-imi inaarutaasumik naatsorsuutitigut angusat 2017-imi Nunatta Karsiata naatsorsuutaani takuneqarsinnaapput.

4.2 Ilassutitut aningaasaliissutit (inatsisissatut siunnersuummi § 1) – allannguutit oqartussaasunit assigiinngitsunit pingasunit akuersissutigineqartut

Inatsisissatut siunnersuummi ilaapput ilassutitut aningaasaliissutit ukuninnga akuersissutigineqartut

- Naalakkersuisunit, oqaasertaliussanik innersuussinikkut
- Aningaasaqarnermut Akileraartarnermullu Ataatsimiititaliamit
- Inatsisartunit/Inatsisartut Suleriaaseq pillugu Ataatsimiititaliaannit

Aningaasaliissutit allannguutaat aalajangersimasut *Aningaasaliissutinut takussutissiami, inatsisissatut siunnersuummi ilanngussaq 1-imi*, takuneqarsinnaapput. Allannguutit ataasiakkaat missingersuutinut ilanngussartaqarput, taakkunanilu allannguutit erseqqinnerusumik nassuiarneqarput. *Ilanngussaq 1-imi taamatullu missingersuutinut ilanngussani takuneqarsinnaassaaq* Aningaasaqarnermut Akileraartarnermullu Ataatsimiititaliaq Naalakkersuisulluunniit imaluunniit Inatsisartut Suleriaaseq pillugu Ataatsimiititaliaat aningaasaliissutinik allannguisoqarnissaanik qanga akuersisimanersut suliarlu sorleq pineqarnersoq.

4.3 Naalakkersuisut oqaasertaliussamat innersuussillutik akuersissutigisaat

Oqaasertaliussat tunngavigalugit aningaasaliissutinik nuussinerit amerlasuut Naalakkersuisunit akuersissutigineqarput. Suliassani taakkunani Naalakkersuisut nuussinerat pivoq Naalakkersuisut ataanni suliassaqarfik 10-89-imut oqaasertaliussaq nr. 1 naapertorlugu. 23,805 mio. kr.-it Aningaasaqarnermut Akileraartarnermullu Naalakkersuisoqarfimmit Aalisarnermut Piniarnermullu Naalakkersuisoqarfimmut nuunneqarput. 37,921 mio. kr.-it Naalakkersuisut Siulittaasuata Naalakkersuisoqarfianit Namminersornermut, Nunanut Allanut Tunngasunut Nunalerinermullu Naalakkersuisoqarfimmut nuunneqarput. Nuussinerit takku ataatsimut isigalugu ilanngaattissat ilanngaati-gereerlugit missingersuutinut sunniuteqanngillat.

4.4 Aningaasaqarnermut Akileraartarnermullu Ataatsimiititaliamit akuersissutigineqartut

Ingerlatsinermut aningaasaliissutit

Ingerlatsinermut aningaasaliissutinik allannguinerit ilanngaattissat ilanngaati-gereerlugit 21,250 mio. kr.-inik nalillit Aningaasaqarnermut Akileraartarnermullu Ataatsimiititaliamit akuersissutigineqarput. (Missingersuutitigut ajorseriaat).

Tapiissutitut aningaasaliissutit

Tapiissutitut aningaasaliissutit allannguinerit ilanngaatisat ilanngaatigereerlugit -13,987 mio. kr.-inik nalillit Aningaasaqarnermut Akileraartarnermullu Ataatsimiititaliamit akuersissutigineqarput. (Missingersuutitigut pitsanngoriaat).

Aningaasaliissutit inatsisitigut pisussaaffigisat

Aningaasaqarnermut Akileraartarnermullu Ataatsimiititaliamit aningaasaliissutit inatsisitigut pisussaaffigisat allannguinnissamik akuersissuteqartoqanngilaq, tamannalu missingersuusiornermut inatsimmi § 27-mut naapertuuppoq.

Isertitassatut aningaasaliissutit

Isertitassatut aningaasaliissutit allannguinnissamik Aningaasaqarnermut Akileraartarnermullu Ataatsimiititaliaq 2016-imi ilanngaatisat ilanngaatigereerlugit 0 kr.-inik sunniuteqartussamik akuersissuteqarsimavoq (Missingersuutitigut sunniuteqanngitsunik).

Sanaartugassanut aningaasaliissutit

Sanaartugassanut aningaasaliissutit allannguinnissamik qinnuteqaatit ilanngaatisat ilanngaatigereerlugit 43,842 mio. kr.-inik nalillit Aningaasaqarnermut Akileraartarnermullu Ataatsimiititaliamit akuersissutigineqarput (Missingersuutitigut ajorseriaat).

4.5 Inatsisartut Suleriaaseq pillugu Ataatsimiititaliaannit akuersissutigineqartut (suliassaqarfik 01)

Ingerlatsinermut aningaasaliissutit

Ingerlatsinermut aningaasaliissutit allannguinerit ilanngaatisat ilanngaatigereerlugit 700.000 kr.-inik nalillit Inatsisartut Suleriaaseq pillugu Ataatsimiititaliaannit akuersissutigineqarput. (Missingersuutitigut ajorseriaat).

Tapiissutitut aningaasaliissutit

Tapiissutitut aningaasaliissutit allannguinerit ilanngaatisat ilanngaatigereerlugit 338.000 kr.-inik nalillit Inatsisartut Suleriaaseq pillugu Ataatsimiititaliaannit akuersissutigineqarput. (Missingersuutitigut ajorseriaat).

5. Oqaasertaliussanik allannguinerit (inatsisissatut siunnersuummi § 2)

Oqaasertaliussat 16-nit inatsisissatut siunnersuummi ilanngunneqarput. Oqaasertaliussat akuerineqartut taakku 2017-imi aningaasanut inatsimmi oqaasertaliussat taamaaqqataat taarserpaat/ilasuserpaat. Taakku 16-nit Aningaasaqarnermut Akileraartarnermullu Ataatsimiititaliap akuersissuteqarnera tunngavigalugu ilanngunneqarput.

6. Sillimatinut kontomit 20.11.50-imit atugassiissutiginninnerit

2017-imut aningaasanut inatsit kontomi pingarnermi 20.11.50-imi ingerlatsinermut sillimatinik 10,0 mio. kr.-inik ilaqartillugu akuersissutigineqarpoq. Ukiumi aningaasanut inatsiseqarfiusumi

2017-imi ingerlatsinermut sillimmatit tamarmik atugassiissutigineqarput, taakkulu aningaasaliissuteqarnissamik suliassanut 5-imut atatillugu akuersissutigineqarlutik.

Sillimmatinut kontonit aningaasalersugaasunik suliniutinik nutaanik piviusunnngortitsinerup aallartitsinerullu missingersuusiornermut inatsimmi § 5, ukiumi aningaasanut inatsiseqarfiusumi Inatsisartut aningaasaqarnermik ataatsimoortumik tullerriarinerannik aningaasanut inatsisip ersersitsisuunissaanik aalajangersaasoq, naapertorlugu pinissaa pingaaruteqarpoq. Taamatut ataatsimoortumik tullerriarinermut taarsiullugu atorneqarsinnaavoq "ingerlaavartumik tullerriarineq", taannali tullerriarineruinngilaq, tassaallunili inuiaqatigiit aningaasaataannik nalaatsortumik pitsaanerpaajunngitsumillu atuineq.

Tamatuma saniatigut Namminersorlutik Oqartussat aqutsivianni piviusorsioortumik missingersuusiortarnissamut missingersuutinillu malitseqartitsisarnissamut kajumilersitsinissaq pisariaqartoq qulakkeerneqarsinnaaqullugu aningaasanut inatsisini sillimmatit aningaasaliussat aallaavittut isigalugu sapinngisamik killeqartinneqarlutillu siunertamut aalajangersimasumut immikkoortinneqartariaqarnerat ukiut siuliinisulli Aningaasaqarnermut Akileraartarnermullu Ataatsimiititaliamit oqaatigineqassaaq.

7. Aningaasaqarnermut Akileraartarnermullu Ataatsimiititaliap nalinginnaasumik oqaaseqaatai

7.1 Ataatsimut isigalugu

Aningaasanut inatsimmi oqaasertaliussat aammalu oqaasertaliussat, Aningaasaqarnermut Akileraartarnermullu Ataatsimiititaliamit kingusinnerusukkut akuersissutigineqartut 2017-imilu ilassutitut aningaasaliissutinut inatsimmi ilanngunneqartut naapertorlugit kontot pingaarnerit assigiinngitsut kiisalu sanaartorerup iluani suliassat akornanni nuussinissantut Naalakkersuisut piginnaatinneqarput.

Nuussinissat akuersissutigineqarsimatillugit aningaasaliissutinik allannngortitsinerit pinerit tamaasa inatsisissatut siunnersuummi aningaasaliissutinut takussutissiap, *ilanngussaq 1*-ip, immikkoortortaani (kolonne) ilanngunneqartarput. Missingersuutinut ilanngussani nuussinernut tunngavilersuutit aammalu Naalakkersuisut ulloq akuersissutiginniffiat allassimassapput. Kiisalu oqaasertaliussat, nuussinissamut tunngaviliisuusut pillugit paasissutissat nalunaarneqassapput.

7.2 Sulisorisat pillugit paasissutissat

Missingersuusiornermut malittarisassami 2008-meersumi immikkoortoq 5.2 Aningaasaqarnermut Akileraartarnermullu Ataatsimiititaliamit innersuussutigineqassaaq, tassani sulisorisanut tunngatillugu paasissutissiissutigineqartussat pillugit malittarisassanik Naalakkersuisut aalajangersaapput.

Suliffiit aalajangersimasumik amerlassusilikkat pineqannginnerat erseqqissarneqarsinnaaqullugu aningaasaliissutinut inatsisissani aggersuni sulisorisassatut naatsorsuutigisat pillugit takussutissiani ukioq naallugu sulisorisat atorneqartalernissaat Aningaasaqarnermut Akileraartarnermullu Ataatsi-

miititaliap ukioq manna **aammaarluni** siunnersuutigissavaa. Taamaalilluni oqariaaseq ukioq naal-lugu sulisorisat eqqornerusutut isigineqarpoq, soorluttaaq sulisorisassatut naatsorsuutigisat aalajan-gersimasumik atorfittut paatsoorneqarlutik paasineqarsinnaanerata killilerneqassasoq.

7.3 Naalakkersuisut aningaasaliissutinik nuussineranni inatsisitigut tunngavissat

Inatsisitigut tunngavissaatitat naapertorlugit Naalakkersuisut nuussineri pisimanersut Aningaa-saqarnermut Akileraartarnermullu Ataatsimiititaliamit erseqqinnerusumik naliliiffigineqarsimavoq. Ataatsimut isigalugu pissutsinik tamatumunnga naapertuutinngitsunik ataatsimiititaliaq nalaata-qarsimanngilaq.

8. Aningaasaqarnermut Akileraartarnermullu Ataatsimiititaliap inatsisissatut siunner-suummut oqaatigiumasai allat

8.1 Nalinginnaasumik oqaaseqaatit

Aallaqqaasiutigalugu isumaliutissiisummi immikkoortoq 3 innersuussutigineqarpoq, tassani suliat amerlassusiat, qinnuteqaatinik Aningaasaqarnermut Akileraartarnermullu Ataatsimiititaliap suliarin-ninnerata inerneru naapertorlugit agguataakkamik nalunaarsorneqarsimallutik.

Aalajangiinerni arlalinni ilassutitut paasissutissanik Naalakkersuisut ataatsimiititaliamit qinnui-gineqarput. Taakku pisariaqarnera naapertorlugu aalajangiinerni ataasiakkaani aamma taaneqarput. Kiisalu aalajangiinini Inatsisartut nittartagaanni uani pissarsiarineqarsinnaasut ataatsimiititaliap innersuussutigissavaa: <http://inatsisartut.gl> Aningaasaqarnermut Ataatsimiititaliap aalajangigai.

9. 2017-imi aningaasaliissuteqarnissamik suliassanut oqaaseqaatit

Aningaasaliissuteqarnissamik suliassanut 2017-ip ingerlanerani ataatsimiititaliamut nassiunneqar-tunut ataatsimiititaliaq ima oqaaseqaateqassaaq. Kiisalu aalajangiinini Inatsisartut nittartagaanni uani pissarsiarineqarsinnaasut ataatsimiititaliap innersuussutigissavaa: <http://inatsisartut.gl> Aningaasa-qarnermut Ataatsimiititaliap aalajangigai.

9.1 Tunngavik pingaarutilik

Aningaasaliisarnermi tunngavik pingaaruteqartoq tassaavoq aningaasaliissutinut inatsimmi Inatsisartunit akuerineqartumi tunngavissiisoqarsimatinnagu Namminersornerullutik Oqartussat aningaasartuuteqaaqqaannginnerat. Sanaartornermut kontot eqqaassanngikkaanni aningaasaliissutit konto pingaarnerit aqutigalugit aningaasaliissutigineqartarput. Sanaartornermut kontoni aningaasaliissutit **sanaartugassanut ataasiakkaanut** aningaasaliissutigineqartarput.

Taamaattumillu aningaasanut inatsisip akuerineqarnerata kingorna suliassamit suliassamut allamut imaluunniit suliassamut nutaatut pilersinneqartumut nuussinissaq ilassutitut aningaasaliissuteqar-nissamik qinnuteqaat tunngavigalugu Aningaasaqarnermut Akileraartarnermullu Ataatsimiititaliamit siumoortumik akuerineqaaqqaartariaqarpoq.

Aningaasartuutissanut missingersuusianut oqimaaqatigiissitsinermi allannguuteqanngitsumik atui-nerunernik aamma atuinikinnerunernik pissuteqartumik suliassaqarfimmi 40-mi – Ilinniartitaaneq,

Kultureqarneq, Ilisimatusarneq Ilageeqarnerlu aamma suliassaqarfimmi 84-imi – Ilinniartitaanerni sanaartornerit pillugit suliaq nr. 01.31.06/17 – 00785-imi Naalakkersuisut ilaatigut paasisutissiis-sutigaat:

”Kontumi pingaarnermi 40.91.23 Campus Kujalleq, aningaasaliissutit qaffanneqassapput 3 mio. kr.-inik.

Aningaasaliissutit 3 mio. kr.-it Campus Kujallermit atorneqassapput immikkoortortat marluk immikkoortumut ataatsimut katinneqarneranut aningaasartuutitut, kiisalu sanaartukkamik nutaamik pilersitsinermit atuilernermut ingerlatsinermit aningaasartuutitut. Aningaasaliis-sutaasut qaffanneqarneri aningaasalersorneqassaaq assigisaannik aningaasaliissutit annikillisisinikkut kontumi pingaarnermi 40.92.13 Ilisimatusarfik.”

Ilasutitut aningaasaliissuteqarnissamik qinnuteqaatip ilaata taassuma itigartitsissutigineqarnissaa Aningaasaqarnermut Akileraartarnermullu Ataatsimiititaliamit toqqarneqarpoq. Ataatsimiititaliap Naalakkersuisunut ima nalunaaruteqarpoq:

”Oqaasertat siuliani allasimasut ima paasineqartariaqarput aningaasartuuteqartoqareer-simasoq. Taamaallillunilu atuinnginnermi aningaasaliinissamut tunngavissamik pissarsiniaq-qaartoqarsimangilaq, tamannalu missingersuutitut inatsimmut akerliuvoq. Tassunga ata-tillugu Naalakkersuisunut nalunaarutigineqarsinnaavoq missingersuutitit qaangiisoqassap-pat, qaangiisoqarneranut pissutaasoq nunatta karsiata naatsorsuutaanut nassuiaatini taarsiullugu ersarissarneqartariaqartoq. Tamatuma saniatigut oqaatigineqassaaq Ilisimatu-sarfimmi 7,5 mio. kr.-it tikillugit atuinersutaasimasinnartunik ukiumut tullermut nuussinissamut Naa-lakkersuisut piginnaatinneqareermata. Taamatut pisoqartillugu Aningaa-saqarnermut Akile-raartarnermullu Ataatsimiititaliap periusarisarpaa suliassamik itigar-titsineq.”

9.2 Ukioq aningaasanut inatsisip atuuffia

Aningaasaliissutitut inatsit tassaavoq aningaasanut inatsit, ukiup aningaasaqarfiusup aallartinnera sioqqullugu akuerineqartoq nunattalu karsiata missingersuutaanik imaqartoq. Alla tassaavoq ilasutitut aningaasaliissutitut inatsit, aningaasanut inatsisip akuerineqarnerata kingorna aningaasaliissutit allannguutaannik imaqartoq.

Ilasutitut aningaasaliissuteqarnissamik qinnuteqaatit aningaasanut inatsisip akuerineqarnerata kingorna ukiumut aningaasanut inatsisip atuuffianut sukkulluunniit atuuttumut atuuttussaanerat ataatsimiititaliamit Naalakkersuisunut eqqaasitsissutigineqassaaq. Taamaattumillu ilasutitut aningaasaliissuteqarnissamik qinnuteqaatit iliutsinut ukiumut aningaasanut inatsisip atuuffianut siulianut ukiumulluunniit aningaasanut inatsisip atuuffissaanut aggersumut tunngasuussanngillat.

Suliaq nr. 01.31.06/17 – 00788-imi aalajangiinnermini oqaaseqaatit ataatsimiititaliap innersuusuti-gissavai.

9.3 Pingaaruteqartuunissaannik sillimaffigereerneqarsinnaasimanginnissaannillu inat-simmi piumasaqaat

Ukiumi qaangiuttumi aningaasaliissuteqarnissamik suliassat tunngavigalugit isumaqarnarpoq missingersuusiormut inatsimmi § 28, imm. 2-p ataqqineqarnissaata eqqaasitsissutigineqarnissaa nalinginnaasumik pisariaqartinneqartoq. Aalajangersakkakut aalajangersarneqarpoq nutaanik aningaasaliissuteqartoqarnissaanik aningaasaliissutinilluunniit allanngortitsisoqarnissaanik qinnuteqaatit taamaallaat aningaasaqarnikkut iliuusissanut *pingaarutilinnut* aammalu aningaasanut inatsisissap suliarinerani *sillimaffigereerneqarsinnaasimanngitsunut* tunngasuusassasut.

Pingaaruteqartuunissaannik tunngavimmut tunngatillugu ataatsimiititaliaq isumaqarpoq taanna missingersuusiormut inatsimmi tunngavimmut pingaarutilimmut allanut qanimut attuumasuteqartoq, tassalu Inatsisartut aningaasaqarnikkut tullerriaarinerat aningaasanut inatsisip akuersissutigineqarneranut atatillugu ukiumut ataasiarluni pisartoq aammalu ukiumoortumik tullerriaarnek kingorna ilassutitut aningaasaliissutigut aalajangiisuusumik allanngortinneqaqqusaanngitsoq.

Iliuutsit aningaasanut inatsisissap suliarinerani *sillimaffigereerneqarsinnaasimannginnissaannik* tunngavimmut tunngatillugu taamaattoqarnerata ilassutitut aningaasaliissuteqarnissamik qinnuteqaammi ilimanarsisinneqarnissaa pingaaruteqarpoq.

Suliaq nr. 01.31.06/17-imi – 00751-imi, 00756-imi, 00764-imi, 00771-imi kiisalu 00777-imi aalajangiinnermini oqaaseqaatit ataatsimiititaliap innersuussutigissavai.

9.4 Missingersuutitut sunnuteqannginnissaq aningaasaqarnermillu aqutsineq

Ingerlatsiviup naammaginartumik aaqqissuunneqarsimanissaa, tassungalu ilanngullugu Naalakkersuisoqarfiup pitsaasumik sunnuteqarluartumillu aningaasaqarnikkut aqutsivigineqarnissaa suliassa-qarfinnut ataasiakkaanut akisussaasutut Naalakkersuisuusut qulakkiigassaraat.

Missingersuutitik malitseqartitsinerup paasinarsisippagu atuinerussuteqarsinnaaneq aarlerinaateqartoq aningaasaliissutit eqqortinneqarnissaasa qulakkeerneqarnissaanut pisariaqartunik iliuuseqartoqassaaq imaluunniit ilassutitut aningaasaliissuteqarnissamik qinnuteqartoqassalluni. Tassunga atatillugu ukiup ingerlanerani aningaasaliissuteqarfigineqaqqinnissamik qinnuteqaatit Naalakkersuisoqarfiup suliassaqarfiata iluani suliassaqarfinni allani sipaaruteqarnissamik siunnersuummik ilaqartinneqassapput. Aningaasartuutit *sillimaffigineqarsinnaasimanngitsut* aningaasalersornissaannut ukiumut 10 mio. kr.-it konto pingaarnermi 20.11.50-imi, ingerlatsineranut sillimmatitut tunngasumi, aningaasaliissutigineqartarput.

Suliaq nr. 01.31.06/17 – 00771-imi aalajangiinnermini oqaaseqaatit ataatsimiititaliap innersuussutigissavai.

Sillimmatitut kontonik amerlanernik ukiuni kingullerni pilersitsisoqarsimammat Aningaasaqarnermut Akileraartarnermullu Ataatsimiititaliamit oqaatigineqassaaq. Assersuutigalugu 2017-imi aningaasanut inatsit kontonik pingaarnermik tallimanik sillimmatitut missingersuutinullu iluar-siinernut tunngasunik imaqarpoq. Taamatullu 2018-imi aningaasanut inatsimmi kontot pingaarnerit taamaattut arfineq pingasuupput, 2019-imi aningaasanut inatsisissatut siunnersuummi arfineq marluullutik. Sillimmatitut kontot amerliartornerat ataatsimiititaliap isumaa malillugu inatsimmik piareersaalluni sulinerup pitsaassusiata ajorsartorneranut ersiutaavoq.

Sillimatinut tunngatillugu anguniakkat piomasaaqatillu, tassungalu ilanngullugu atugassanngortitsinissap Aningaasaqarnermut Akileraartarnermullu Ataatsimiititaliamit siumoortumik akuerineqaaqarnissaa ersarissumik allassimangippata sillimatinut kontot amerliartornerisa kingunerissavaa aningaasaliissutit atugassiissutigineqarnissaannik naalakkersuinikkut aqutsinerup annikilleriarnera.

9.5 Oqaasertaliussat

Ilassutit aningaasaliissuteqarnissamik qinnuteqaatit piareersarlugit suliarineqarnerannut atatillugu oqaasertaliussani attuumassuteqartuni piginnaatitsissutaasimasinnaasut Naalakkersuisunit eqqumaffigineqartarnissaat ataatsimiititaliamit kaammattuutigineqassaaq. Piginnaatitsissummik tunniusisoqareersimappat piginnaatitsissutigineqartullu iluani iliuseqartoqarpat ilassutit aningaasaliissuteqartoqarnissaanik qinnuteqarnissaaq pisariaqanngilaq. Missingersuusiornermut malittarisassaaq ataatsimiititaliamit innersuussutigineqassaaq, taanna malillugu suliassani oqaasertaliussaaq aqutugalugu nuussinissamik akuersinissamut Naalakkersuisut piginnaatinneqarfianni suliassamik Aningaasaqarnermut Ataatsimiititaliamut nassiussisoqassanngilaq.

Suliaq nr. 01.31.06/17 – 00785-imi aalajangiinnermini oqaaseqaatit ataatsimiititaliap innersuussutigissavai.

9.6 Pissutsit allat

Inatsisip nutaap aningaasatigut kingunerisassaanik allaaserinninnermi inatsisip nassatarisaanik nalunaarutaajunnartut kingunerisassaasa allaaserineqarnerat aamma ilanngunneqassaaq. Tamanna ima isumaqanngilaq; nalunaarusiornissamut tunngavissiineq, taassumaluunniit aningaasaqarnikkut kingunerisassai Aningaasaqarnermut Akileraartarnermullu Ataatsimiititaliamit akuersissutigitinneqassasut. Tamannali inatsimmik suliaqarnermi pissaaq.

Suliaq nr. 01.31.06/17 – 00759-imi aalajangiinnermini oqaaseqaatit ataatsimiititaliap innersuussutigissavai

10. Aningaasaqarnermut Akileraartarnermullu Ataatsimiititaliap kaammattuutai

2017-imi ilassutit aningaasaliissutinut inatsisissatut siunnersuummik kiisalu Naalakkersuisut aningaasaliissutinut allannguutissatut siunnersuutaannik suliarinninnermini taakkunanngalu malitseqartitsisarnermit misilittakkani tunngavigalugit Naalakkersuisunut **kaammattuummik** imaattumik saqqummiussinissaminut Aningaasaqarnermut Ataatsimiititaliaq pissutissaqarsorivoq:

Kaammattuut nr. 1

Ilassutit aningaasaliissutit pillugit missingersuutinut inatsimmi aammalu missingersuusiornermi malittarisassami aalajangersakkanik atuinermi Naalakkersuisut nalinginnaasumik peqqissartumik atuinissaat Aningaasaqarnermut Akileraartarnermullu Ataatsimiititaliamit **kaammattuutigineqarpoq**. Kapitali 9-mi matuma siuliani oqaaseqaatit allassimasut ataatsimiititaliamit innersuussutigineqassapput.

Kiisalu Peqqinnissaqarfimmi aningaasaliissutinik aningaasaqarnikkut allaffissornikkullu aqutsinerup sukumiisumik misissorneqarnissaa pisariaqartinneqartoq ataatsimiititaliamit maluginiarneqarpoq.

Ataatsimiititaliaq isumaqarpoq ajornartorsiutip taassuma aaqiivigineqarnissaa kinguardeqqinneqarsinnaanngitsoq. Suliassaq taanna assut pingaardeqqullugu Naalakkersuisut ataatsimiititaliamit **kaammattorneqarput.**

11 Aningaasaqarnermut Akileraartarnermullu Ataatsimiititaliap oqaaseqaatai:

Kiisalu Illorsuarni Nuugaatsiamilu ajunaarnersuarmut atatillugu innuttaasunut tunngasumik Naalakkersuisut pilertortumik qisuariarsimanerat Aningaasaqarnermut Akileraartarnermullu Ataatsimiititaliamit nersorusunneqarpoq.

12. Aningaasaqarnermut Akileraartarnermullu Ataatsimiititaliap inassuteqaatai

Siuliani allassimasut tunngavigalugit siunnersuut **akuerineqassasoq** ataatsimiititaliap **isumaqatigiittup inassutigaa.**

Taama oqaaseqarluni Inatsisartut Aningaasaqarnermut Akileraartarnermullu Ataatsimiititaliaata 2017-imi ilassutitut aningaasaliissutininut inatsisissatut siunnersuut aappassaaniigassanngortippaa.



Karl Kristian Kruse,
siulittaasoq



Aqqaluaq B. Egede


Niels Thomsen



Jess Svane



Múte Bourup Egede



Mala Høy Kúko

Jens Napaattooq